

आकाशवाणी

खबरां ----

1. आपदा प्रबंधन पर अंतरराष्ट्रीय सम्मेलन दा 6मां संस्करण नमीं दिल्ली च शुरू।
2. राष्ट्रपति द्रौपदी मुर्मू होंरें जलवायु बदलाव ते एहदे असर कन्ने निब्बड़ने च वन संरक्षण दी भूमिका पर जोर पाया।
3. भाजपा दे वरिष्ठ नेता ते गृह मंत्री अमित शाह होंरें कांग्रेस ते वामपंथी दलें पर राष्ट्र विरोधी ताकतें थवां समर्थन लैने दा दोष लाया।
4. राष्ट्रीय पंचैत दिवस पर मंत्रालय आस्सेआ जमीनी सतह पर लोकतंत्र प्रति भारत दी बचनबद्धता ते विकेंद्रीकृत शासन बारै इक रोजा राष्ट्रीय संगोष्ठी दा सरिस्ता कीता गेआ।
5. भारत दे नियंत्रक ते महालेखा परीक्षक गिरिश चंद्र मुर्मू होंरें स्पेन च लेखा न्यायालय दा दौरा लाया।

Delhi-Conference

आपदा प्रबंधन पर अंतरराष्ट्रीय सम्मेलन दा 6मां संस्करण नमीं दिल्ली च शुरू होआ। एह कल्लै तर जारी रौहग। प्रधानमंत्री नरेंद्र मोदी होरें आखेआ ऐ जे मजबूत बुनियादी ढांचे च निवेश जरूरी ऐ। प्रधानमंत्री होरें आपदा प्रतिरोधी बुनियादी ढांचे पर 6में अंतरराष्ट्रीय सम्मेलन च इक वीडियो स्नेह च आखेआ जे आपदाएं गी अकसर आर्थिक नुकसान आले नजरिए कन्नै दिक्खेआ जंदा ऐ पर इंदा लोकें, परोआरें ते समुदायें पर असल च बड़ा मता असर पौंदा ऐ। उनें नमीं बुनियादी ढांचा परियोजनाएं ते आपदा मगरा पुननिर्माण दे जत्नें च मजबूती दे पैहलू पर जोर दिते जाने दी जरूरता पर बी जोर पाया। उनें आखेआ जे आपदाएं दा असर बन्ने थवां परे बी हुंदा ऐ ते एहदे कन्नै निब्बड़ने आस्तै मुखै बशकार आपसी सहयोग जरूरी ऐ।

<><><><><><>

President Murmu

राष्ट्रपति द्रौपदी मुर्मू होरें जलवायु परिवर्तन दे विषय गी गंभीर चिंता दा विषय करार दिंदे होई एहदे माड़े असर ते खतरें कन्नै निब्बड़ने लेई जंगलें दे संरक्षण दे महत्वै पर जोर दिता ऐ। अज्ज देहरादून दे वन अनुसंधान संस्थान च भारतीय वन सेवा दे प्रोबेशनरी अधिकारिणं

दे दीक्षांत समारोह गी संबोधित करदे होई राष्ट्रपति होरें आखेआ जे माहनू जानी बुज्झिए जंगलें दे महत्व गी भुल्लने दी गलती करा करदा ऐ। उनें जोर देइए आखेआ जे माहनू गी एह कदें नेई भुल्लना लोइचदा जे ओह धरतें पर मजूद कुदरती संसाधनें वसीलें दा मालक नेई उंदा संरक्षक ऐ। द्रौपदी मुर्मू होरें इनें प्रोबेशनरी अफसरें गी जंगलात दे संरक्षण, संवर्धन ते पोषण दे महत्वपूर्ण कर्तव्यें गी नभाने लेई प्रोत्साहित करदे होई मेद प्रगट कीती जे ओ अपनी इस जिम्मेदारी गी पूरी निष्ठा कन्ने निभाडन।

<><><><><><><>

Amit Shah

भाजपा दे वरिष्ठ नेता ते केंद्रीय गृह मंत्री अमित शाह होरें कांग्रेस ते वामपंथी दलें पर राष्ट्र विरोधी ताकतें जियां पी.एफ.आई ते एस.डी.पी.आई थवां समर्थन लैने दा आरोप लाया। उनें अलाप्पुझा च इक जनसभा गी संबोधित करदे होई आरोप लाया जे इनें दोनें पार्टिएं अल्पसंख्यक वोट बैंक दी खातिर केरल च आतंकवाद गी बढ़ावा दिता। उनें आखेआ जे भाजा दे शासन च पी.एफ.आई जनेह संगठनें गी पनपन नेई दिता जाग। शाह होरें भारत दे परमाणु शक्ति सम्पन्न होने पर सी.पी.आई-एम दे विरोध दी आलोचना

कीती ते आखेआ जे मुख्य राश्ट्री सुरक्षा दे हित च परमाणु शक्ति बने दा रौहग। उनें आखेआ जे एह चुनां केरल गी हिंसा दे चंगुल थवां मुक्त कराने लेई होआ रदा ऐ। भाजा नेता होरें आखेआ जे इंडी गठबंधन पूरी चाल्ली बेनकाव होई गेआ ऐ की जे कांग्रेस ते वाम दल इक भेठा दिल्ली च मंच सांझा करा रदे न ते दुई भेठा केरल च इक दुए दा विरोध करा रदे न।

<><><><><><>

PM Modi Chhatisgarh

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें छत्तीसगढ़ दे सरगुजा लोकसभा क्षेत्र दे अंबिकापुर च जनसभा गी संबोधित कीता। इस मौके पर मोदी होरें आखेआ जे केंद्र दी भाजपा सरकार आतंकवाद ते नक्सलवाद खिलाफ सख्त कार्रवाई करा रदी ऐ जिसलै कि कांग्रेस हिंसा फैलाने आलें दा समर्थन करा रदी ऐ। प्रधानमंत्री होरें आखेआ जे कांग्रेस दी कोशिश रेई ऐ जे आदिवासिं ते अनुसूचित जातिं दा आरक्षण घट्ट करिए धर्म दे आधार पर आरक्षण दिता जा। मोदी होरें आखेआ जे कांग्रेस संविधान बदलिए अनुसूचित जाति, जनजाति ते पिच्छड़े दे वर्ग दा हक अपने वोट बैंक गी देना चाहंदी ऐ। उनें आखेआ जे ऐसे लोक जेड़े भारत गी शक्तिशाली ते

आत्मनिर्भर नेई दिक्खना चाहंदे ओह मुख्य च विपक्ष दी गठबंधन आली कमजोर सरकार चाहंदे न। उनें आखेआ जे आरक्षण दी राखी सिर्फ भाजपा गै करी सकदी ऐ।

<><><><><><><>

Rahul-Gandhi

कांग्रेस दे वरिष्ठ नेता राहुल गांधी हों आखेआ ऐ जे उंदी पार्टी दे घोषणा पत्र करी प्रधानमंत्री नरेंद्र मोदी होर बेचैन होई गए न। कांग्रेस पार्टी दे इक सामाजिक न्या सम्मेलन गी संबोधित करदे होई गांधी हों दावा कीता जे पार्टी दे घोषणा पत्र कन्नै प्रधानमंत्री होर हड़बड़ाई गए न। राहुल गांधी हुंदा एह बयान प्रधानमंत्री नरेंद्र मोदी हुंदे कांग्रेस दे घोषणा पत्र दी आलोचन कीते जाने दे मगरा आया ऐ। उनें आरोप लाया जे कांग्रेस पार्टी लोकें दी संपत्ति दा बंटवारा करने दी योजना बना रदी ऐ। कांग्रेस नै इस म्हीने दे शुरू च न्या पत्र दे नां कन्नै अपना घोषणा पत्र जारी कीता हा। इस घोषणा पत्र च 5 न्या ते 25 गरंटिं पर खास जोर दिता गेआ ऐ।

<><><><><><><>

Election 26 April

लोकसभा दे दुए गेड़ दे चुनां लेई प्रचार अज्ज संझा मुक्की गोआ। जम्मू-रियासी-सांबा लोकसभा सीट लेई चुनां मैदान च खड़ोते दे 22 मेदवारें दे सियासी भविक्ख दा फैसला 17 लक्ख 81 ज्हार शा मते मतदाता करडन। आकाशवाणी दे जम्मू संवाददाता मुजब दुए गेड़ तैहत औंदी 26 अप्रैल गी मुख् भरै दिएं नानवें लोकसभा सीटें लेई मतदान होग जिंदे च जम्मू संसदी हल्का बी शामिल ऐ। एह हल्का कुल 3 जिलें, जम्मू, सांबा ते रियासी च फैले दा ऐ। इस हल्के च कुल 17 लक्ख 81 ज्हार 545 मतदाता न जिंदे चा 9 लक्ख 21 ज्हार 462 मर्द, 8 लक्ख 60 ज्हार 55 महिलां ते 28 ट्रांसजेंडर न। इस निर्वाचन क्षेत्र च 2 ज्हार 416 मतदान केंद्र बनाए गेदे न। इस सीट लेई कुल 22 मेदवार चुनां मैदान च न पर मुख् मुकाबला बीजेपी ते कांग्रेस बश्कार ऐ। बीजेपी नै जुगल किशोर शर्मा ते कांग्रेस नै रमन भल्ला होरें गी मैदान च तोआरे दा ऐ। 2014 ते 2019 दे चुनाएं च बीजेपी दे जुगल किशोर शर्मा होरें इस सीट परा जित हासिल कीती ही। बरे 2019 च इस लोकसभा हल्के च कुल 72 इशारिया 4-9 फीसदी मतदान होआ हा। बीजेपी दे जुगल किशोर शर्मा होरें 8 लक्ख 58 ज्हार 66 वोट जिसले के कांग्रेस दे रमन भल्ला होरें 5 लक्ख 55 ज्हार 191 वोट

हासिल कीते हे। एहदे शा पैहले जुगल किशोर शर्मा होरें कांग्रेस दे
मेदवार मदन लाल शर्मा होरें गी हराया हा।

<><><><><><>

Panchayati Raj Day

राश्ट्रीय पंचैत राज दिवस दे मौके पर पंचैती राज मंत्रालय आस्सेआ
नमीं दिल्ली च इक दिन दी राश्ट्रीय संगोष्ठी दा सरिस्ता कीता गेआ।
पंचैती राज मंत्रालय दे सचिव विवेक भारद्वाज होरें उद्घाटन सत्र गी
संबोधित करदे होई आखेआ जे नियमित तौर पर पंचैत चुनां कराना
73में संविधान संशोधन दे सब्बने ंथवां महत्वपूर्ण उपलब्धि ऐ। उनें
जन प्रतिनिधियें आस्ते घट्टोघट्ट योग्यता दी जरूरत पर अपने
विचार रक्खे। उनें सारी पंचैतें बश्कार संसाधनें दे बरोबर बंटवारे गी
यकीनी करने दे महत्व पर बी जोर दिता। ग्रामीण विकास विभाग दे
सचिव शैलेश कुमार सिंह होरें आखेआ जे बद्दोबद्द विकास कम्मै
आस्तै मजबूत ते जीवंत पंचैतें दी भूमिका महत्वपूर्ण ऐ।

<><><><><><>

Panchayat Raj Day

प्रधानमंत्री नरेंद्र मोदी होंरें पंचैती राज दिवस दे मौके पर देशवासिं गी ममारकबाद दिती ऐ। मोदी होंरें इक सोशल मीडिया पोस्ट च ग्रामीण भारत च बदलाव आनने ते लोकें दे जीवन स्तरै गी उबड़ा चुक्कने लेई जमीनी सतह पर कम्म करने आलें दी सराहना कीती ऐ। उनें आखेआ जे सरकार पंचैती राज संस्थानें गी निग्गर बनाने ते लोकें दे सुखने गी पूरा करने दा कम्म जारी रक्खोग।



CAG-Murmu

भारत दे नियंत्रक ते महालेखा परीक्षक गिरीश चंद्र मुर्मू होंरें लेखा सरबंधी संस्थानें बश्कार आपसी सहयोग, विचारें दे आदान-प्रदान ते क्षमता निर्माण गी बढ़ावा देने आस्तै स्पेन दे लेखा न्यायालय दा दौरा लाया। उंदे ते लेखा न्यायालय दी अध्यक्ष हुंदे बश्कार ऑडिट पद्धतिं ते संस्थागत आजादी पर चर्चा होई। दौनें पक्खें दपक्खी सहयोग गी बदाने आस्तै इक समझौता जापन पर बी दस्तखत कीते। मुर्मू होंरें स्पेन दे राज्य प्रशासन दे नियंत्रक हुंदे कन्नै मलाटी कीती।



LET-Rajouri

पिछले दिनें राजौरी जिले दे शहादरा शरीफ इलाके च लशकरे तोएबा दे दऊं आतंकवादिएं आस्सेआ इक आम नागरिक दी हत्या आले मामले च जम्मू-कश्मीर पुलसै पुच्छ-गिच्छ लेई 67 जनें गी हिरासतै च लैता ऐ। पुलसै मुजब केई महत्वपूर्ण सबूत ते जानकारी हासल होई ऐ। जेदे थमां पता लग्गा ऐ जे इस वारदात च शामिल दऊं आतंकवादिएं चा इक विदेशी आतंकवादी ऐ जेदी पंछान अबु हमजा दे तौरा पर कीती गेई ऐ। पुलसै इनं आतंकवादिएं बारै कोई जानकारी दा सूह देने आले गी 10 लकख रपे इनाम देने दी घोषणा कीती ऐ। इस मामले च मामला पुलस थाना थन्नामंडी च दर्ज कराया गेदा ऐ। पुंछ ते राजौरी जिले च तैनात सुरक्षाबले कन्ने मिलिए पुलस तुपाई अभियान चलाए दा ऐ। कल जम्मू जोन दे अतिरिक्त पुलस महानिदेशक आनंद जैन होरें रजौरी दा दौरा लाइए स्थिति दा जायजा लैता हा।

<><><><><><><>

IPL

ते हून आईपीएल। आईपीएल च अज्ज दिल्ली दे अरूण जेटली स्टेडियम च संझा साइडे 7 बजे दिल्ली कैपिटल्स ते चिन्नेई सुपर

किंग्स बश्कार मकाबला होग। एहदे शा पैहले कल चिन्नेई दे एम.ए
चिदंबरम स्टेडियम च खेड्ठे गेदे मैच च लखनऊ सुपर जायंट्स नै
चिन्नेई सुपर किंग्स गी 6एं विकटें कन्नै हराई दिता। Marcus Stoinis
दे 63एं गेंदें च 124 रन्ज दी बदौलत लखनऊ गी एह् शानदार जित्त
हासिल होई।

<><><><><><>